

Uunga siunnersuut: Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaat nr. xx, xx. xxx 2019-imeersoq

Akissutitut allakkiaq

(Suliffeqarnermut, Ilisimatusarnermut Avatangiisinullu Naalakkersuisoq)

Aappassaaneerera

Aallarniutigalugu isumaliutissiisummik matuminnga, tusaatissatut tiguneqartumik sukumiisumik suliaqarneranut ataatsimiititaliamut qujassuteqassaanga.

Inatsisissatut allaqqaagaq atorlugu pisortani oqartussaasoqarfiit namminersortutullu suliffeqarfiit tamarmik inatsisissatut siunnersuummi ilaanissaat Naalakkersuisut qularnaarniarpaat ilanngullugit immikkoortut marluk akornanniittuni pisut, soorlu suliffeqarfiit oqartussaasut aamma suliaqartut, aamma paarlaattuanik, oqartussaasut aamma suliffeqarfimmik ingerlataqartut.

Ataatsimiititaliamut akissutigisatsinni assersuutit tassaaginnarput immikkoortut marluk akornanni suliffeqarfiit siunnersuummi ilaatitaasussatut suliffeqarfiup pisortaqaarfiullu ittuunerinut assersuutaannaanerit, assersuutigalugu Nukissiorfiit, aallaaviatigut nammineq isertitaqarnissaminut tunngaveqartuusoq, naak suliffeqarfik assersuutigalugu sanaartornermut aningaasartuutitut siunertamut aalajangersimasumut pisortanit tapissutisisinnaagaluarluni aamma oqartussaasutut suliaqartuq.

Taamaalilluni Naalakkersuisut isumaat malillugu kikkut inatsisissatut siunnersuummi ilaanissaat pillugit inatsisissatut siunnersuutikkut annertuumik nalornisuteqartoqanngilaq. Taamaattumik maannakkut inatsisissatut allaqqaakkami §§ 3-p aamma 4-p attatiinnarnissaat Naalakkersuisut erseqqinnerusumik isumaliuteqareerermikkut eqqornerpaatut isumaqarfigaat, nutaamillu oqaasertalersuineramik, inatsisissatut siunnersuummi tamarmi kinguneqartitatut naqqiissuteqartiternissamik pi-umasaqartussamik eqqussisoqarani, tamatuminnga inatsisiliornermik ingerlataqarnermi piffissami matumani Naalakkersuisut tulluartuuneranik isiginninngimmata.

Ilinniartut sungiusartullu atorfinitsitaasussat najugaqavissuunissaat pillugit pi-umasaqatip isumaliutigiginissaanik ataatsimiititaliap kaammattuuteqarneranut tunngatillugu Naalakkersuisut Kalaallit Nunaannut suliffissarsiortut killilersimaarnissaat pillugu Inatsisartut inatsisaat nr. 27, 30. oktober 1992-imeersumi § 2, imm. 1, nr. 2 innersuutigaat, tassani pineqarluni suliaqartuup isumaginissaa suliamut naapertuuttumik sulisitsisumi ilinniagaqarnertut ittumik pi-umasaqarfiusuni atorfinnut maani najugallit sulisartut siullertut pisinnaaffeqarnissaasa qularnaarnissaat.

Aamma inatsimmik nakkutilliinermut sakkortusisamik nakkutiginninnissaq pillugu Naalackersuisut allannguutissatut siunnersuutaat ataatsimiititaliap aamma oqaluuse-risimavaa, ilanngullugu eqqortumik killiffigisap nalunaarutigisarnera il.il. pillugit suliffeqarfinnik pisussaaffiliisunik isumaqatigiissutinik atsiuisarnissamut periarfis-saq.

Ataatsimiititaliaq isumaliutissiisummini inatsilioriaatsimut tunngasuunerusunut oqaaseqaateqarsimavoq, ilanngullugu inatsisip piumasaqaataanik naapertuutsitsiniar-nermikkut suliffeqarfiit ajornartorsiuteqartut tamakku peqatigalugit pisussaaffiliisu-mik isumaqatigiisummik atsiuinissaq pillugu siunnersuummik erseqqinnerusumik nassuiaanissamik kaammattuussissut. Ataatsimiititaliap allattoqarfianik suleqateqar-luni pissutsit tamakku maannakkut naqqissorpeqarsimalerput.

Aamma pinasuartussatut tusarniaanermut allannguutissatut siunnersuutip nassiunnis-saanik ataatsimiititaliaq Naalackersuisunut kaammattuisimavoq. Kaammattuut taanna malittarineqarpoq, suliffeqarfimmilu illua'tungerisanut tusarniaassutitut al-lakkat nassiunneqarput, tassani allannguutissatut siunnersuuteqarnermut tunngavigi-saq nassuiarneqarluni, ilanngullugu Inuussutissarsiornermut Suliffeqarnermullu Naalackersuisoqarfimmut ukiumoortumik nalunaaruteqartarnissap pisariaqartin-neqarnera.

Tamatumunnga Kalaallit Nunaanni Sulisitsisut Peqatigiiffiannit tusarniaanermut akissut nutaaq pissarsiarisimavarput, taakku isumaqarlutik allannguutissatut siun-nersuut inuussutissarsiorfimmut ilassutaasumik nammatassiissasoq, aammalu sulif-feqarfiit aamma naalackersuisoqarfimmut nalunaarnatik suliffissarsiorfittut nittartak-kamut nalunaartarnissaat naammassasoq. Taamaattumik Kalaallit Nunaanni Sulisitsi-sut Peqatigiiffiata allannguutissatut akuersissut akuerisinnaangilaa. Pinasuartumik tusarniaasitsinermut illua'tungerisat sinnerinit annertunerusumik tusarniaaffittut kil-lingititap tikinnerani tusagaqarsimangilagut.

Kalaallit Nunaanni Sulisitsisut Peqatigiiffiat Inuussutissarsiornermut Suliffeqarner-mullu Naalackersuisoqarfiup imatut akigallarjaa nalunaarutitut ittunik ilassutitut ma-littarisassianik katersanik atuutsitsisoqalissagaangat pisariaqanngitsumik allaffissor-nissaq pinaveerniarlugu taamatut ilusilimmik paasissutissanik ataatsimut inger-latsisarnissaq periarfissaqassasoq, aammalu malittarisassianik suliaqarnermi, aam-malu inatsisip atuutsilernissaa siunertarlugu ingerlatseriaatsimi pissutsini Kalaallit Nunaanni Sulisitsisut Peqatigiiffiat sapinngisamik ilanngunneqarumaartoq.

Taamaalisukkut ukiumoortumik paasissutissanik naalackersuisoqarfiup tigusaqartarnissaa-nut toqqammavissamik tunniussaqaqarnerup pingaartuunera, tamatumunngalu peqatigiti-lugu suliffeqarfinnut imaluunniit oqartussaqaqarfinnut paasissutissanik nalunaaruteqar-nissaminnik artorsartunik, allatulluunniit inatsimmi aalajangersakkanik pivi-usungortitsiniarnermik artorsaateqartunik taakkuninnga pituttuisutut isumaqatigiis-sutinik atsiugaqarnissamut immikkut ilassutaasumik sakkussamik naalackersuisoqar-fimmut tunniussisoqarnissap pingaartuunera Kalaallit Nunaanni Sulisitsisut Peqatigiiffiannut naalackersuisoqarfiup sianigeqqusimavaa.

Inatsisissatut siunnersuummi pingaarnepiaq peqatigiiffiup inuussutissarsiorfimmu ilassutitut nammatassat pillugit aarleqquteqarnera tunngavigalugu Kalaallit Nunaanni Sulisitsisut Peqatigiiffiata inassutaanik naapitsiniarluni arlaleriarluni allangortinneqartarsimavoq, ilanngullugit inatsimmi aalajangersakkanik piviusunngortitsinnginnermi inuussutissarsiorfimmu tunngatitanik aningaasaqarnikkut piviusutut pineqaatissiisutinut allatullu pineqaatissiisutinut tunngatillugit allannguutit.

Taamaattumik Kalaallit Nunaanni Sulisitsisut Peqatigiiffiata kissaatigisai arlaleriarluni annertuupilussuarmik akuerineqartarsimapput, peqatigiiffillu inatsisissatut siunnersuutip maannakkut ilusilersorneranut assut sunniuteqarsimavoq. Taamaattorli maannakkut sakkortusisamik nakkutilliinissaq pillugu allannguutissatut siunnersuutikkut Kalaallit Nunaanni Sulisitsisut Peqatigiiffiata oqaaseqaatai kingulliit malittarineqannginnissaat Naalakkersuisut ataatsimiititaliamut inassutigaa.

Paasissutissat Kalaallit Nunaanni Sulisitsisut Peqatigiiffiata nalunaarutigeriigassatut isumaqarfigisaat pingaarnertut tassaapput ilinniarfiit sungiusarfiillu inuttaligassat annertussusaasa nalunaarsornissaat, aallaaviatigullu allannguutissatut siunnersuutip paasissutissat pissarsiariniagai pinnagit, taakkunani ilaallutik suliffeqarfik attuumasutilittut ilinniagaqarfiusumut attaveqarsimavinnersoq, aammalu suliffeqarfimmu akuersissutaasunik ilinniartunik imaluunniit sungiusartunik najugaqavissunik taakkuninga atorfinitsitsisoqarsimanersoq.

Naggataatigut ataatsimiititaliap isumaliutissiissutaanik iluarinninnera oqaatigissavara, inatsisissatut siunnersuummu tamarmiulluni inuiaqatigiinnut akuuffigisatsinnut assut ilu-aqutaasussamut, minnerunngitsumillu inuusuttorpassuarnut tassuunakkut ilinniarfimmik imaluunniit sungiusarfimmik neqeroorfigitinnissamut amerlanernik periarfissaqalersussanut neriuutigintartumik akuersissutaajumaartumut tunngasumut iluarinnittumik nalunaaruteqarnertut tigusannut.

Inussiarnersumik inuulluaqqusillunga,

Jess Svane